



COMUNU DE SÌNNIA  
PROVÌNTZIA DE CASTEDDU

**STATUTU**  
**DE SU**  
**MUSEU TZÌVICU DE SÌNNIA**

**Alliongiu “A”**

Aprovau cun deliberatzioni de su Cunsillu Comunali n. 41 de su 25/11/2010

---

**Versioni castiada po parti de sa de II e sa de IV Cumissioni Cunsillari in sa dii 22/11/2010**

## Sumàriu

Artìculu 1 Denominatzioni.....	4
Artìculu 2 Sedis.....	4
Artìculu 3 Tìtolaridadi e funtzionis de su Comunu.....	4
Artìculu 4 Finalidadis.....	6
Artìculu 5 Funtzionis.....	6
Artìculu 6 Azienda de su Museu.....	7
Artìculu 7 Printzìpius de gestioni.....	8
Artìculu 8 Strutura Organizativa.....	8
Artìculu 9 Diretzioni de su Museu.....	9
Artìculu 10 Coidu e chistidura de is arregòllidas.....	10
Artìculu 11 Educazioni e didàtica.....	11
Artìculu 12 Servìtzius a sa genti.....	11
Artìculu 13 Oràrius de su Museu e tarifas.....	12
Artìculu 14 Càstiu e guardiania.....	12
Artìculu 15 Intrada a is depòsitus.....	12
Artìculu 16 Arrègulas finalis.....	12

## Prefatzioni

S'Istituzioni de su Museu Tzìvicu de Sìnnia cumentu strutura culturali permanenti de su Comunu de Sìnnia pertocat a su 1999, cumentu documentau de sa Deliberatzioni de su Cunsillu Comunali n. 33 de su de maju de cussu annu e totu cun sa cali, in su sìtiu de is programmas comunali in sa L.R. n<sup>u</sup> 37/98, s'est donau cumintzu a s'aparìciu de su Tzìvicu Museu Archeològicu chi est stètiu incingiau e obertu a sa genti su 2 de Martzu de su 2001. Apustis e finsas a oi, s'Aministratzioni Comunali de Sìnnia at gestiu unu progetu integrau de gestioni de is benis culturalis comunalis: arcivu stòrigu comunali, arcivu stòrigu de sa pretura, pinacoteca comunali, museu archeològicu, àreas monumentalis e archeològicas, imperendi su finantziamentu regionali numenau in s'art. 38 L.R. 4/2000.

Castiendi s'adelantamentu de su cuntestu normativu de riferimentu e sa realidadi specifìca culturali locali de is calis su Museu rapresentat una risorsa profetosa sempri crescendi, si fait netzessàriu imoi acrarai tareas e printzìpius de gestioni de sa strutura atruessu de sa cumpridura de custu Statutu.

Si bolit, in custa sedi, cumentu premissa dèpida, donai una definitzioni de su Museu Tzìvicu pensau in sa spetzifidadi e bariedadi, scapiendi-sì de sa denominatzioni costumada, chi ddoi est in medas àtus amministrativus, de "Museu Tzìvicu Archeològicu e Pinacoteca" po acostiai sa realidadi chi esistit giai in una denominatzioni sceti chi arresumat e baloritzit sa genia differenti de is arregòllidas, chi intzaras bandant a a apariciai duas setzionis differentis (Setzioni Archeològica e Pinacoteca) de unu Museu sceti.

A su pròpiu tempus, sempri castiendi s'adelantamentu de is disciplinas musealis cunforma a su cuntestu territoriali aundi pertocant, su Museu Tzìvicu si pigat su traballu de èssiri su polu de valorizatzioni de su paesàgiu e de su *genius loci*<sup>1</sup> me is medas maneras e poderius cosa sua: testimòngius materialis e memòria no materiali.

Po poni a craru s'importu de su cuntestu paesagìsticu me is dinàmicas de adelantamentu intreu de su territòriu, de su cali su Museu si fait elementu impellidori, benit agatada puru una de tres setzioni tzerriada "Naturalìstica".

---

1 po *genius loci* si intendit su sentidu culturali, e intzaras sa specificidadi, chi benit imbordigu in unu logu, unu sìtiu o una tzitadi.

## **Artìculu 1 Denominatzioni**

Su Museu Tzìvicu de Sìnnia est una strutura culturali permanenti chene tareas de godàngiu, obertu a sa genti, a su servìtziu de sa comunidadi de su cali Enti Titolari est su Comunu de Sìnnia.

Su funtzionamentu de su Museu Tzìvicu est cuncordau de custu Statutu e de su Regulamentu cumpridori. Sighendi csutu Statutu e is normativas natzionalis e regionalis vigentis, su Museu at a apariciari una Carta de is Servìtzius.

Su Museu Tzìvicu de Sìnnia, po cumpriri mellus a is tareas suas, si spratzit in tres setzionis:

- Setzioni archeològica-artistica
- Pinacoteca
- Setzioni naturalistica

## **Artìculu 2 Sedis**

Su Museu Tzìvicu tenit sa sedi sua in Sìnnia, me is aposentus de su Centro Polivalente de Bia Colletta 20. Su Museu, in prus de sa sedi printzipali aundi funt chistias is arregòllidas, tenit puru atrus logus bonus po arriciri amostaduras interinas. Su Museu tenit custas sedis secundàrias:

- Parti de is aposentus de su Ex Bocidròxu, bia Sant'Elena, Sìnnia (CA), chi allogat in depòsitu interinu is repertus agataus in su territòriu apustis de is campagnas de forrogu;
- Tzentru de Educatzioni Ambientali, Bia del Mare, frazzioni de Solanas, Sìnnia (CA), dedicau a sa setzioni naturalistica.

Custus aposentus funt de propiedadi de su Comunu de Sìnnia.

## **Artìculu 3 Titorialidadi e funtzionis de su Comunu**

Su Comunu de Sìnnia tenit sa titorialidadi de su Museu Tzìvicu e ndi pòmpiat sa responsabilidadi gestionali, amministrativa e de asienda po cussu chi pertocat a isa benis tentus o afillaus a issu.

Su Comunu de Sìnnia impreat is funtzionis e is tareas chi tocant a issu castiendi is leis, su Statutu e is Regulamentus Comunalis.

In manera particolari, cumenti inditadura e no sceti po cumpridura, ddoi funt intre is tareas e

is funtzionis de su Comunu;

- Aprovai su Regulamentu e sa Carta de is Servìtzius;
- Apariciai sa gestioni de su Museu asseguendi-ndi is trastus arrechèdius de dinai e de organizatzioni, cunforma cun is risorsas econòmicas e finantziàrias a disposidura, puru atruessu de s'agiudu tènnicu, professionali e científicu de genti de aforas de sa strutura burocràtica de s'Enti;
- Promovi s'adelantamentu de is struturas e de is servìtzius de aintru a profetu de sa genti, asseguendi-ndi sa cunformidadi a is standard regionals e natzionalis e a is lìnias ghia de is organismus internatzionalis;
- Asseguurai s'amparu e sa chistidura bona de is benis chistius;
- Scriri àutus chi pertocant a sa arricidura, a s'imprètidu, a s'asseguatzioni , a s'imbiu e a sa seguresa de is obras;
- Cuncordai acòrdius cun is Universidadis o cun is istituzionis scolàsticas po tirocìnius o po entregai crèditus formativus;
- Asseguurai, atruessu de s'Ufitziu Tènnicu comunali o cun s'agiudu de professionalidadis de aforas, s'arrespetu de is disposiduras de seguresa sighendi sa normativa vigenti cumentu puru s'assentu bonu de is struturas;
- Promovi e valorizai s'asienda museali e cussa paesagìsticu-ambientali, puru in is relatas mannas cosa sua cun is logus territorialis de riferimentu;
- Coordinai is atividadis de informatzioni, de promovidura e de comunicatzioni cun sa genti;
- Apariciai unu logo e scioberai is allegas distintivas de su musue chistionendi de imàgini e comunicatzioni;
- Adelantai sa circa, sa documentatzioni, s'informatzioni persighendi s'integratzioni intre su Museu, is servìtzius informativus comunalis, is atrus Istitutus Musealis e culturalis de su territòriu cosa sua e cussu de is atrus territòrius imbordigaus cumentu puru, po cussu chi pertocat a is atividadis de promovidura de s'asienda paesagìsticu-ambientali, cun is entis imbordigaus in su stùdiu, s'amparu e su càstiu de su territòriu.

Su Comunu de Sìnnia podit apariciai òrganus consultivus cumentu cumitaus científicus e trumas de circa e stùdiu cun sa tarea de apoderai su Museu in is medas sètius de circa e adelantamentu de is atividadis. Su Regulamentu cumpridori at a cuncordai sa cumposidura de is Cumitaus e de is Trumas científicas e de circa.

## **Artìculu 4 Finalidadis**

Su Museu Tzìvicu de Sìnnia persighit custas finalidadis:

- Sensibilizai a sa comunidadi bia a s'importu de s'asienda culturalis e paesagìsticu-ambientali, asseguendi una comunicatzioni crara e profetosa cuncordada castiendi a is medas target de is bisitadoris;
- Aviai relatas de cuncàmbiu e cooperatzioni cun is atras istituzionis simbillantis chi ddoi funt in su logu prus mannu de sa Regioni intrea;
- Cumintzai relatas de cullaboratzioni cun entis de circa regionalis, natzionalis e internatzionalis;
- Promovi atividadi de circa e adelantamentu;
- A si fai arricidori e impellidori de is specificidadis de su territòriu impari cun atrus logus de interbènnida, cumentis su setori turìsticu, econòmicu-produssidori e sòtziu-educativu, in una castiada de adelantamentu coordinau e cumpartziu e de arretza territoriali;
- Fai parti de su sistema museali regionali.

## **Artìculu 5 Funtzionis**

Su Museu Tzìvicu, in su sìtiu de is cumpetènzias cosa sua e in sa cumpridura de is tareas cosa sua, asseguat sa chistidura, s'ordinamentu, s'amostadura, su stùdiu, sa connoscèntzia e s'impreu po parti de sa genti de is arregòllidas suas; promovit, in prus, sa valorizatzioni de s'asienda archeològica, monumentali e paesagìsticu-ambientali de su territòriu atruessu medas atividadis diferentis.

In manera particolari su Museu Tzìvicu:

- Amànniat su 'asienda sua atruessu de còmporas, depòsitus, erèntzias, donatzionis de cosas chi pertocant a is arregòllidas e a sa missioni cosa sua;
- Asseguat sa inalienabilitadi de s'arregòllida, aforas de acontèssius spantosus chi sprighint s'alienatzioni e/o sa entrega de is cosas, arrespetendi in prenu totus is normas de amparu vigentis;
- Amparat sa interesa de totus is cosas in entrega, e de dònna manera postas asuta de sa responsabilidadi sua asseguendi ndi sa chistidura, su manutengu e s'arrecasciadura;
- Coidat de manera sighia sa imbentariatzioni e sa catalogatzion de is cosas cumentis

puru sa documentatzioni fotogràfica sua sighendi is arrègulas scioberadas de su Ministeru po is Benis e is Atividadis Culturalis e agradèssius de sa Regioni;

- Adelantat, cumintzendi de is arregòllidas, su stùdiu, sa circa, sa documentatzioni fotogràfica e s'informatzioni;
- Assegurat sa spratzidura de is benis tentus atruessu de s'amostadura permanenti, previdendi puru s'arrodeu de is obras in depòsitu e su càstiu insoru;
- Aparìciat amostaduras subitanas, atòbius, seminàrius, cunvegnus, cursus de adelantamentu;
- Cumprit atividadis educadoras e didàticas;
- Aparìciat una cullaboratzioni sighia cun is scolas de dònna òrdini e gradu, chi ddoi funt in su territòriu, po s'adelantamentu de progetus alliongiaus cun sa tarea de spratzinai sa cultura de su logu;
- Coidat sa produssidura de publicatzionis científicas e spratzinadoras;
- Impellit sa valorizatzioni de su Museu e de is arregòllidas cosa sua;
- Impellit sa valorizatzioni de s'asienda archeològica, monumenatli e paesagisticu-ambientali de su territòriu;
- Aparìciat e favoressit relatas de cullaboratzioni cun sugetus e entis pùblicos e privaus, cun sa tarea de apariciai e cumpriri progetus de stùdiu, de circa e de valorizatzioni de is benis culturalis chi ddoi funt in su territòriu, cun unu càstiu particulari bia a is relatas cun su Stadu rapresentau de is Soprintendèntzias imbordigadas in su logu, cun sa Regioni Sardìnnia, cun sa Provìntzia de Casteddu e cun s'Universitàdi de su logu;
- Cuncordat acòrdius cun is assòtzius de su logu chi faint atividadis de amparu e spratzinadura de is benis culturalis cun sa tarea de amanniai sa promovidura e sa spratzidura de s'asienda culturali e paesagisticu-ambientali.

Su Museu Tzìvicu tenit autonomia científica e de progetatzioni culturali, arrespetendi is arrègulas chi ndi cuncordant s'atividadis; acònciat sa atividadi sua a critèrius de eficatzidadi, atùliu e economitzidadi, pompiendi una atenzioni particulari bia a sa calidadi de is servìtzis a sa genti; po custa tarea, assicuratu s'arrespetu prenu de is standard de calidadi cumandaus de sa Regioni Sardìnnia e scioberaus de s'Enti aintru de sa Carta de is servìtzis.

## **Artìculu 6 Asienda de su Museu**

S'asienda de su museu est apariciada cun benis mòbilis chistius in is aposentus agataus in

s'art. 2 est a nai de benis de propiedadi comunali o afillaus a s'Aministratzioni Comunali o de benis de propiedadi statali e de totu cussu chi est stètiu o at a èssiri afillau po parti de is tzitadinus privaus e entis e istituzionis pùblicas e privadas.

Su Comunu de Sìnnia est entregadori de s'asienda de su museu. Dònna repertu o cosa, siat issu distinau a èssiri amostau o puru a èssiri chistiu in su depòsitu, depit èssiri imbentariu, catalogau e documentau puru cun is fotografias sighendi is standard catalogràficus natzionalis e regionalis. Sa cunsistèntzia de s'asienda museali at a èssiri averiguada dònna tanti castiendi sa descritzioni chi nc'est scritta in s'imbentàriu.

## **Artìculu 7 Printzìpius de gestioni**

Su Museu Tzìvicu no tenit personalidadi giurìdica sua, poita est una spratzinadura organizativa de su Comunu de Sìnnia. Su Museu benit gestiu cunforma a is caminus e a is programmas cuncordaus de is òrganus de governu de su Comunu chi entregant a is òrganus gerstionalis is tareas de lompi e is risorsas umanas. finantziàrias e totus is trastus chi serbint.

## **Artìculu 8 Strutura Organizativa**

Su Museu tenit s'orgànicu prevèdiu de su regulamentu comunali vigenti de ordinamentu ufizius e servìtzius e de personali calificau, no fichiu in sa dotazioni orgànica de s'Enti, arriciu atruessu cuntratus de cullaborazioni professionali o imperendi atras maneras de esternalizazioni de su servìtziu.

Po cussu chi pertocat a is risorsas a disposidura, su Museu est una strutura organizzadora chi assegurat sa cumpridura de is funtzionis de direzioni e amministratzioni, de coidu e chistidura, de circa e cumpetèntzia scientìfica, de educatzioni e didàtica, de seguresa, càstiu, chistidura e arricidura finalizada a sa gestioni de is risorsas e de is servìtzius de manera profetosa e sighia. Su regulamentu cumpridori de su Museu Tzìvicu cuncordat is allegas de organizazioni e funtzionamentu in s'arrespetu de is printzìpius chi ddoi funt in custu Statutu. Sa responsabilidadi gestionali de su Museu est entregada de su Sìndigu a su responsàbili de sa strutura de cùcuru de s'Enti aundi est postu funtzionalmenti su Museu Tzìvicu, sighendi cussu chi est prevèdiu de su regulamentu comunali apitzus de s'ordinamentu de is ufizius e de is servìtzius.

Sa responsabilidadi scientìfica de su Museu est entregada de su Sìndigu a una figura



professionali bona, agatada aintru de sa strutura de s'Enti o puru agatada a s'inforas, arrespetendi is disposiduras legisladoras e regulamentaris chi apariciant s'affilladura de is incàrrigus de cullaboratzioni autònoma.

## **Artìculu 9 Diretzioni de su Museu**

Benit apariciada sa Diretzioni de su Museu chi depit arriciri is sugetus incarrigaus de sa responsabilidadi gestionali e scientìfica cumenti agataus in s'artìculu de innantis, sighendi is cumpetènzias chi ddi pertocant.

Sa Diretzioni de su Museu cumprit a custas tareas :

- coidat sa definitzioni de su progetu culturali, scientìficu e istituzionali de su Museu;
- apariciat su programa annuali de prevididura de ponni asuta de s'aprovatzioni de s'òrganu de governu de su Comunu s'Enti Comunali, definit e cumprit a su càstiu de is tareas e programa e apariciat sa relata annuali de arresùmini de is atividadis fatas, apitzus de su nùmeru de pùblicu e apitzus de su stadu de su Museu in generali;
- fait su càstiu de is abisòngius de su Museu agiudendi in sa definitzioni de is pianus ocupatzionalis e de is pianus annualis/pluriennalis de imbistimentu de su Comunu;
- cumprit sa gestioni de is risorsas finanziàrias entregadas a su Museu e agatat is strategias de reperimentu de risorsas econòmicas de aciungi;
- cumprit is funtzionis organizzadoras, autorizadoras, de scrucullu e de valutatzioni de is risorsas umanas entregadas a su Museu sighendi cussu chi est previdiu de is normas vigentis;
- promovit e coordinat, po cussu chi est cumpetèntzia sua, is interbènnidas netzessàrias po assegurai su profetu e sa seguresa de is aposentus, de is struturas e de is impiantus;
- ghiat e incarrerat is atividadis de is figuras scientìficas, tènnicas, amministrativas e cumpridoras entregadas a su Museu, cun sa tarea de assegurai una crobetura profetosa de totus is funtzionis de istitutu e aconciai is atzionis impreadas bia a allegas de eficatzidadi, atùliu e economitzidadi;
- subrintendit a sa gestioni de is atividadis chi pertocant a sa crescidura, a sa documentatzioni, a sa chistidura de s'asienda de su Museu;
- donat su parri cosa sua apitzus de eventualis arriciduras noas de cosas po s'asienda de su Museu, cumprèndius puru is benis in cumbentzioni de depòsitu o de comodau;
- donat su parri cosa sua apitzus de su depòsitu e s'imprètidu de benis de su Museu

cun atras struturas e cuncordat totus is proceduras imbordigadas;

- arrègulat s'intrada, po arresonis de stùdiu, a is materialis de is arregòllidas, amostadas e no, e si podit chistiri sa sceda de interbenni po is permissus de s'imprètidu a solus o in lotus po arresonis de stùdiu e de documentatzioni;
- càstiat s'adelantamentu e sa calificadura de is amostaduras permanentis e a sa apariciadura de amostaduras temàticas subitanas;
- subrintendit a sa gestioni de s'atividadis scientifica de su Museu e a sa apariciadura de is pianus de circa e de stùdiu, agiudenti in su s'itiu cosa sua de spetzializatzioni;
- subrintendit a sa cumpridura de is initziativas didàticas, educadoras e culturalis in generali, traballendi cun sa tarea de ndi assegurai sa cumpridura regulari;
- apariciat, arrègulat e càstiat is servìtzios frunius a sa genti, cumprèndias puru is initziativas de informatzioni, publicizatzioni e promovidura entregadas a cussu;
- promovit e coòrdinat stùdius e progetus chi tenint sa tarea de s'adelantamentu de su Museu in su trèmini longu o mesanu, candu benint pensaus netzessàrius o si pedius de is òrganus de governu de s'Enti;
- rapresentat su Museu me is relatas cun is Sorpintendènzias Ministerialis imbordigafdsas, cun sa Regioni Autònoma de Sardìnnia, cun sa Provìntzia de Casteddu e atrus Entis de su territòriu, cun is arretzas o is sistemas musealis e cun is Universidadis.

Su Regulamentu cumpridori cuncordat de manera crara is maneras de funtzionamentu de sa strutura de diretzioni e agatat is caminus e is àtus de cumpetènzias gestionali e bia o scientifica.

## **Artìculu 10 Coidu e chistidura de is arregòllidas**

Su Museu Tzìvicu tenit autonomia scientifica e assegurat sa cumpridura de is tareas de chistidura, seguresa, gestioni e valorizatzioni de is arregòllidas, castiendi a is atividadis de ordinamentu, coidu e amanniamentu de cussas e totu, a s'inventariatzioni e catalogatzioni de is materialis, a su scavannamentu de is caminus amostadoris e de is aposentamentus, a sa documentatzioni e a sa circa. Su regulamentu cumpridori disciplinat de manera specifìca is maneras de cumpridura de is funtzionis de coidu e chistidura de is arregòllidas.

## **Artìculu 11 Educatzioni e didàtica**

Su Museu Tzìvicu de Sìnnia assegurat unu pianu de programatzioni educadora e didàtica, cuncordendi is relatas cun su mundu de sa scola e cun atras genias de sugetus, castiendi sempri is caraterìsticas e is apretus de is impreadoris berus e cussus potenzialis. Su Museu promovit atividadis a profetu de s'educatzioni sighia e recurrenti, de s'integratzioni sotziali e de s'arrexonu cun is atras culturas; po custa tarea, sa programatzioni previdit caminus, laboratòrius didàticus e atras atividadis de imbordigamentu ativu de is impreadoris cun is arregòllidas permanentis, cun is amostaduras subitanas, cun is risorsas culturalis e paesagìsticu-ambientalis de su territòriu e cun s'asienda de cultura imateriali.

Su regulamentu cumpridori disciplinat in manera specìfica is maneras de cumpridura de is funtzionis de educatzioni e didàtica.

## **Artìculu 12 Servìtzius a sa genti**

Su Museu Tzìvicu assegurat is servìtzius a sa genti, cunsideraus cumentis totus is cunditzionis e is profetus donaus a totus is categorias de impreadoris de castiai is arregòllidas e de adelantai cun issas una relata profetosa e ativa, arrespetendi is standard de calidadi cumandaus de sa Regioni. Intre is servìtzius donaus a sa genti ddoi funt:

- Obèrrida a su pùblicu de is aposentus amostadoris sighendi is maneras previdias de is standard e tareas de calidadi po is museus de sa Regioni Sardìnnia;
- Billeteria e prima arricida;
- Agiudus sinnalèticus a sa vìa de is arregòllidas amostadas.

In su Museu Tzìvicu ant a podi èssiri ativaus, a tìtulu de esèmpriu e no cumpriu, custus servìtzius aciungidoris:

- Servìtziu de bèndida de prodùssius editorialis e gaddget;
- Vìstas ghiadas e audioghias;
- Organizatzioni de atividadi amostadoras temporàneas;
- Apariciadura de eventis culturalis, de stentu e iniziativas promotzionalis;
- Servìtziu de cafeteria e/o arresturatzioni.

Su Museu Tzìvicu promovit atividadis profetas de benchmarking<sup>2</sup> e de averiguada de sa customer satisfaction<sup>3</sup>, cun sa tarea de aconciai e torrai a apariciai totu castiendi is apretus

---

2 Cumparatzioni de is prestatzionis de medas unidadi apariciadoras, cun sa tarea de arreconnosci sa unidadi cun is prestatzionis mellus, chi a a èssiri una tarea de riferimentu po totus is atras.

3 Satisfadura de su borrochianu.

beras de s'utentza, sa calidadi e sa genia de is servìtzius spratzinaus, puru castiendi is esèmprius de is pràticas mellus chi at scrucullau. Po cussu chi pertocat sa gestioni de is godàngius e is maneras de frunidura de is servìtzius a sa genti, si cunsillat de castiai su Regulamentu cumpridori e sa Carta de is Servìtzius.

### **Artìculu 13 Oràrius de su Museu e tarifas**

Su Museu est obertu a sa genti cun oràrius e maneras cumandadas de s'Aministratzioni Comunali chi scioberat, in prus, is tarifas de intrada a su Museu.

### **Artìculu 14 Càstiu e guardiania**

Su servìtziu de càstiu e guardiania depit assegurai su càstiu de s'asienda museali aintru de is aposentus amostadoris e me is logus de pertinèntzia de su Museu. Po cussu chi pertocat a is maneras de cumpridura de is tareas de càstiu e guardiania si depit ligi su Regulamentu cumpridori.

### **Artìculu 15 Intrada a is depòsitus**

Est proibiu a is stràngius de intrai a is aposentus dedicaus a su depòsitu de is repertus e a is cuntenidoris amostadoris de su Museu, aforas de acontèssius de emergèntzia e sceti po su personali incarrigau a fai su succuru. Is Unidadis operativas cumpetentis de su Comunu podint intrai de manera lùbera a is aposentus amostadoris, mentras s'intrada a is aposentus de depòsitu e is cuntenidoris amostadoris de su Museu at a èssiri autorizau de sa Dìretzioni.

### **Artìculu 16 Arrègulas finalis**

Po totu cussu chi no est previdiu de manera crara in custu Statutu, si depit andai a castiai is normas de lei vigentis chi disciplinant sa matèria in su sìtiu regionali e natzionali.